



## PARAU FA'AARARA'A NĀ TE MAU VE'A #36

### Te mau nūmera o teie ma'i :

135 hi'opo'ara'a tei ravehia i nanahi ra, aita e ta'ata i ro'ohia i teie tiro tiro.

Mai te omuara'a o teie ma'i, 2 544 ta'ata tei hi'opo'ahia, mai te mahana matamua no māti ra.

- E 58 rahira'a ta'ata tei ma'ihia i te Covid-19 :

\* 7 ta'ata te hi'opo'a tāmāu noa hia nei ā ;

\* 51 ta'ata tei 'afaro roa i teie mahana, 'aita te mau tapa'o ma'i e 'itehia ra i nia ia rātou, e 'ua ho'i i roto i tō rātou mau utuafare.

- 1 noa ā ta'ata i roto i te fare ma'i, e te āfaro noa maira.

- E te parau āpi oaoa ra, aore roa e ta'ata i fa'arue mai.

Teie ra, ia vai ara noa ā tātou, e ia tāmāu noa ā i te fa'a'ohipa i te mau ravea pārorura'a i teie ma'i, e ia fa'aiti i te teretere.

### Te mau nūmera 'i teie mahana

Ta'atoara'a o te mau ta'ata tei ma'i hia i te COVID-19

58

Rahira'a ta'ata tei ma'i hia i te COVID-19 e o tei tapea hia i te fare ma'i

- no teie taimē

1

- mai te ha'amatarā'a no teie ma'i

4


Rahira'a ta'ata tei rapa'āu hia i roto i te piha rapa'aura'a ma'i fifi

1

Rahira'a ta'ata tei fa'aru'e mai no te ma'i COVID-19


0

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a mai



No roto mai : Piha hi'opo'ara'a i te mau ma'i, Fa'aterera'a nui no te ea

Fig. 2. Te mau ma'i i Tahiti e i Moorea, i te mahana maha 30 nō eperera 2020



No roto mai : Piha hi'opo'ara'a i te mau ma'i, Fa'aterera'a nui no te ea

### Te mau fa'anahora'a no te hi'opo'ara'a i te mau ta'ata toroa fifi

Te tāmāu nei te Fa'aterera'a o te Ea, i roto i teie tau ha'amamara'a i te 'opanipanira'a i te fare, i te rave i te mau hi'opo'ara'a no te ma'imi i te tiro tiro.

Piri i te 400 ta'ata tei ho'i mai na te ara e tō rātou mau feti'i piri roa o tei hi'opo'ahia mai te ha'amatarā'a mai o teie ma'i i ō tātou nei. Ta'a'e noa atu ai te mau hi'opo'ara'a tei ravehia i nia i te feia e tapa'o ma'i tō rātou e o teie hi'opo'ahia e tō rātou taote e aore ra o tei tāniuniu atu i te nūmera 15, teie atura te fa'anahora'a āpi : e ravehia te hi'opo'ara'a i nia te ta'ata tōro'a fifi mai te mau rave 'ohipa o te Ea, te mau fa'ehau tūpohe 'auvahi, te mau mūto'i farāni, te mau mūto'i a te Hau e te mau mūto'i 'Oire.



## Te mau Pū fa'ari'ira'a tamarii

'Ua fa'aoti te mau Ti'a mana o te fenua i te ha'amama i te fa'otira'a e fa'aea i te fare, ia nehenehe ia fa'aha'amahuta fa'ahou i te orara'a faufaa e totiare o te fenua. Na roto i teie fa'otira'a, ua 'itehia te faufaa rahi o te mau pū e fa'arii nei i tā tātou mau tamarii, maoti ratou e nehenehe ai te mau metua i te ho'i i nia i tā ratou mau vahi 'ohipara'a. 60 ratou mau mero no teie mau pū 'ohipa ha'apa'o tamarii o tei ha'aputupu i teie mahana toru i ma'iri a'e nei i roto i te Piha 'ohipa no te feia āpi e te tu'aro (IJSPF). 'Ua nehenehe teie mai ti'a i te tuatapapa no te fa'ari'ira'a i te tamarii. E ravea teie no te hō'ē a'itauira'a mana'o no nia i te mau ravea pānurura'a e te fa'ari'ira'a i tā tātou mau tamarii.

## Te mau fa'aa'o no te fare toa : te tāmaura'a o te 'ohipa arai

I roto i teie mau fa'aa'o no te mau fare toa, te vai nei te mau ti'a no te Fa'aterera'a o te Ea, turuhia e te mau rave 'ohipa no te 'Oire e te feia tauturu. Te tāmau nei ratou i tā ratou mau hi'opo'ara'a e a'itauira'a mana'o i roto i te mau fare toa no Tahiti. E 'ohipa teie o te fa'ari'i maitaihia nei e te mau fatu fare toa i roto i teie tau ha'amamamara'a i te mau fa'ahepora'a e fa'aea i te fare. Inaha te titauhia nei te rave 'ohipa i roto io teie mai taiete e te huiratira ia fa'atura i te mau fa'auera'a no te arai i teie ma'i i roto ihoa ra i te mau fare toa ; fa'ateatea te tahi e te tahi hō'ē a'e metera, hō'ē noa ta'ata i roto i te fare toa, 'opanihia te tamarii, eiaha atoa te ta'ata pa'ari i te mau vahi ta'ata.

## TE PORO'I NŌ TEIE MAHANA

**'UA HA'AMAMAHIA TE PARAU NO  
TE 'OPANIPANIRA'A I TE FARE**

**IA VAI ARA NOA RA TĀTOU  
'AITA Ā TEIE FIFI MA'I I ORE ATURA**

**A FA'A'OHIPA I TE MAU RAVEA  
PĀRURURA'A IA TĀTOU**

**EI HAU I ROTO I TŌ TĀTOU  
MAU UTUAFARE**

**MĀURUURU E FA'AITOITO**